



UNIVERSITÄTS-  
BIBLIOTHEK  
PADERBORN

## **De Congregationibus Clericorum In Communi Viventium**

**Le Mire, Aubert**

**Coloniæ Agrippinæ, 1632**

Cap. XX. Congregatio Clericorum sæcularium B. Mariæ in communi  
viuentium, ab Alexandro Lucensi Episcopo anno 1583. instituta, per  
Clementem VIII. an. 1595. confirmatur.

---

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

tis manu Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides ubique adhibeatur, quæ præsentibus adhiberetur, si forent exhibitæ vel ostensæ.

1616. Datum Romæ apud S. Mariam Maiorem, &c. die 11. Aprilis 1616. Pontificatus nostri anno undecimo.

## C A P V T XX.

CONGREGATIO CLERICORVM SÆCV-  
larium B. Mariae, in communi viuentium, ab  
Alexandro Lucensi Episcopo ann. 1583. insti-  
tuta, per Clementem VIII. ann. 1595. confir-  
matum.

CLIMENS Papa VIII. ad perpetuam rei  
memoriam. Ex quo diuina maiestas  
ad Pastoralis officij fastigium nos, quam-  
quam immeritos, euexit, illa, quantū in no-  
bis semper fuit, superno auxilio freti facere  
conati sumus, vt Confraternitates seu So-  
cietates aut Congregationes, quæ ad diui-  
ni cultus augmentum & animarum salutem  
institutæ sunt, & in obseruatione institu-  
torum suorum piè & religiosè persistunt,  
magis quotidie in illo suo pio & sancto  
proposito confirmarentur.

Cum itaq;, sicut accepimus venerabilis  
frater ALEXANDER Episcopus Lucanus,  
iamdudum Confraternitatem seu Societa-  
tem,

tem, aut Congregationem Clericorum se-  
culariū & laicorum in cōmuni viuentium,  
sub inuocatione & vexillo B. & gloriosæ  
semperq; Virginis MARIÆ, in ecclesia S.  
Mariæ Curtis Orlandigorū Luca. erexerit, ac  
dictę Confraternitatis seu Congregationis  
cōfratribus, vt vnū ex eis qui alijs præffet,  
ac rerum & bonorum ipsius Cōfraternita-  
tis seu Congregationis curam & admini-  
strationem gereret, cuique ipsi confratres  
parere tenerentur, eligere, ac cōstitutiones  
per eum approbandas cōdere possent, fa-  
cultatem concesserit, prout in patentibus  
litteris ipsius Alexandri Episcopi, de anno  
Domini millesimo quingentesimo octo-  
gesimo tertio desuper confectis plenius  
contineri dicitur, ac eius Confraternitatis  
seu Congregationis Confratres sacramen-  
torum ecclesiasticorum administratione,  
diuini verbi prædicatione, & aliorum bo-  
norum opetum exemplo proximum iuuu-  
re totis viribus contendant.

Nos ; vt ipsi Confratres in suo lauda-  
bili proposito magis confoueantur, & ad  
huiusmodi pia & sancta opera exer-  
cenda promptiores reddantur, ac fru-  
ctus, quos in vinea Domini plurimos ha-  
stenus & maturōs ac dulces locatori Do-  
mino obtulerunt, eosdem longè dulcio-  
res & maturiores ac vberiores in po-

sterum offerant, motu proprio, & ex certa nostra scientia, ac de Apostolicæ potestatis plenitudine, erectionem confraternitatis seu Societatis aut congregationis Clericorum secularium, in dicta ecclesia ab eodē Alexandro Episcopo, vt præfertur, factam, necnon omnia & singula in dictis patentibus litteris, erectionem huiusmodi concernentibus contenta, quorum tenores ac si de verbo ad verbum insererentur præsentibus, haberi volumus pro expressis, contenta, & inde secuta quæcunque, Apostolica auctoritate, tenore præsentium approbamus, & confirmamus, illisq; perpetuæ & inuiolabilis firmitatis robur adijcimus, ac omnes & singulos, tam iuris quàm facti & solemnitatum in eis forsan omissarum defectus, si qui interuenerint in eisdem supplementus.

Et nihilominus eandē Confraternitatē in Congregationem Clericorum seculariū, sub titulo seu inuocatione eiusdē B. Mariæ Virginis, cum eisdem regulis, institutis, & facultatibus in dicta ecclesia, auctoritate & tenore præmissis perpetuo erigim⁹ & instituimus. Necnon nunc & p̄ tēpore existentib⁹ Rectori & socijs dictæ Cōgregationis cōcedimus vt quæcunq; statuta & ordinationes, felix regimen & guberniū ipsius Congregationis cōcernētia, ac sacris Canonib⁹,  
& de-

& decretis Concilij Tridentini, ac Romanorum Pontificum constitutionibus non aduersantia, condere possint, quæ tamen condita ab ordinario loci approbentur.

Quodq; Confessores dictæ Cōgregationis, qui ab Ordinario approbati fuerint, cōfessiones quorūcunq; ad eos accedētū. quocunq; anni tēpore audire, & debitā illis pœnitentiam, pro modo culpæ, iniungere.

Superiores autē ipsius Congregationis, per se vel aliū, seu alios ex ipsis iā approbatis, suos subditos à censuris, in casibus sedi Apostolicæ reseruatis, non tamen cōtentis in litteris die cœnæ Domini legi solitis, absoluerē, & etiam debitā illis pœnitentiam iniungere.

Nec non Superior dictæ Cōgregationis, receptos inobedientes, & illius cōstitutionum transgressores punire, & pœnitentia, pro modo culpæ eius arbitrio, seruata tamē semper dictarū cōstitutionum forma, eisdem afficere, & si sibi videbitur cū assensu maioris partis dictæ Congregationis, culpabiles eijcere, inuocato etiam ad hoc, si opus fuerit, auxilio Episcopi, seu brachij secularis, liberè & licitè valeant, eisdem auctoritate & tenore concedimus.

Quodque recipiendi in Congregatione huiusmodi, tam Clerici quam Laici, tentātur ( vbi aliter Congregationi visum non

fuerit remittendum ) promittere etiam cū iuramento, se refecturos expensas pro ipsis ab eadem Congregatione factas, si quādo contigerit, vt spontè vel iusta de causa expulsi ab eadem Congregatione discedant.

Demum quod Congregatio hæc sit & perpetuò remaneat sub protectione huius Sedis Apostolicæ, non tamen exempta ab ordinaria iurisdictione Episcoporum Lucanorum, qui pro tempore erunt, quo ad visitationem & reformationem, si opus fuerit, iuxta constitutiones eiusdem Congregationis tantum, nec aliàs aliter, nec alio modò; nullo tamen casu, prætextu, aut quæsito colore aliquo, sex socijs præfatis ab eadem Congregatione, sine expresso consensu eiusdem, vnquam extrahere, nec ab obseruantia instituti distrahere valeant, perpetuò statuimus & ordinamus.

Sicq; per quoscunq; Iudices & Commissarios, quauis auctoritate fungentes, sublata eis & eorum cuilibet quauis aliter iudicandi & interpretandi facultate & auctoritate, vbiq; iudicari ac diffiniri debere; nec non irritum decernimus & inane, si secus super his à quoquam, quauis auctoritate, scienter vel ignoranter contigerit attentari.

Volu-

Volumus autē, quod præsentium transumptis, manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ vel ostensæ.

Non obstantibus quibusuis constitutionibus, & ordinationibus Apostolicis. cæterisque contrarijs quibuscunque.

Datum Tusculi, sub annulo Piscatoris, die 13. Octobris, 1595. Pontificatus nostri anno quarto.

---

CAPVT XXI.

REGIMEN SCHOLARVM PIARVM, AD  
*pauperes gratis erudiendos institutarum,  
Congregationi Clericorum secularium B.  
Maria à Paulo V. anno 1614. committitur.*

**P**AVLVS Papa V. ad perpetuam rei memoriam. Inter pastoralis officij curas, quæ Romani Pontificis animum assidue sollicitum habere debent, illa non mediocris esse dignoscitur, ut Christi fideles pijs moribus & doctrina imbuantur.

Quapropter ut pium ac maxime laudabile opus, pauperes erudiendi & instituendi in alma Vrbe nostra pridem diuina gratia institutum, indies magis ad Dei gloriam promoueatur, pro nostri muneris de-